



百氏文集

九十

~ 16
3345
6



門 16
號 3345
卷 6



白氏長慶集卷第九

原安三郎氏贈

唐太子少傅刑部尚書致仕贈尚書右僕射太原
白居易樂天著

感傷一 古調詩五言凡五十五首 明後學松江馬元調異甫校

西明寺牡丹花時憶元九

前年題名處今日看花來一作芸香吏三見牡丹開豈
獨花堪惜方知老閨催何况尋花伴東都去未廻詎知
紅芳側春盡思悠哉

傷楊弘貞

白集

卷九

41 9382

顏子昔短命仲尼惜其賢楊生亦好學不幸復徒然一作

今復誰識天地意獨與龜鶴一作蛇年

權攝昭應早秋書事寄元拾遺兼呈李司錄
夏閏秋候早七月風騷騷渭川煙景晚驪山宮殿高
丹殿子司諫赤縣我徒勞相去半日程不得同遊遨到官
來十日覽鏡生二毛可憐趨走吏塵土滿青袍郵傳擁
兩驛簿書堆六曹為問綱紀掾何必使鉛刀

白氏新栽竹

佐邑意不適閉門秋草生何以娛野性種竹百餘莖見
此溪上色憶得山中情有時公事暇盡日遶欄行勿言

根未固勿言陰未成已覺庭宇內稍稍有餘清最愛近
牕臥秋風枝有聲

秋霖中遇尹縱之仙遊山居

慘慘八月暮連連三日霖邑居尚愁寂况乃在山林林
下有志士苦學惜光陰歲晚千萬慮併入方寸心巖鳥
共旅宿草蟲伴愁吟秋天牀席冷雨夜燈火深憐君寂
寞意攜酒一相尋

寄江南兄弟

分散骨肉戀趨馳名利牽一奔塵埃馬一汎風波船忽
憶分手時惘然秋風前別來朝復夕積日成七年花落

白集 卷九
城中池春深江上天登樓東南望鳥滅煙蒼然相去復
幾許道里近三千平地猶難見况乃隔山川風來似

曲江早秋

三年作

秋波紅蓼水夕照青蕪岍獨信馬蹄行曲江池四畔早
涼晴後至殘暑暝來散方喜炎燠清復嗟時節換我年
三十六冉冉昏復旦人壽七十稀七十新過半且當對
酒笑勿起臨風歎

寄題藍屋廳前雙松

兩松自仙遊山移植縣廳

憶昨爲吏日折腰多苦辛歸家不自適無計慰心神手
栽兩樹松聊以當嘉賓春來日一徃生意漸欣欣清韻

度秋在綠茸隨日新始憐澗底色不憶城中春有時晝
掩關雙影對一身盡日不寂寞意中如三人忽奉宣室
詔徵爲文苑臣閑來一惆悵長似別交親早知煙翠前
攀翫不逡巡悔從白雲裏移爾落賢簾

翰林院中感秋懷王質夫

王居仙遊山

何處感時節新蟬禁中聞宮槐有秋意風夕花紛紛寄
跡鴛鷺行歸心鷗鶴群唯有王居士知予憶白雲何日
仙遊寺潭前秋見君

禁中月

海上明月出禁中清夜長東南樓殿白稍稍上宮墻淨

落金塘水明浮玉砌霜不比人間見塵土污清光

贈賣松者

一束蒼蒼色知從澗底來斲掘經幾日枝葉滿塵埃不買非他意城中無地栽

初見白髮

白髮生一莖朝來明鏡裏勿言一莖少滿頭從此始青山方遠別黃綬初從仕未料容鬢閒蹉跎忽如此

別元九後詠所懷

零落桐葉雨蕭條槿花風悠悠早秋意生此幽閑中况與故人別中懷正無棕徂紅切勿云不相送心到青門

東相知豈在多但問同不同同心一人去坐覺長安空

禁中秋宿

風翻朱裏幕雨冷通中枕耿耿背斜燈秋牀一人寢

早秋曲江感懷

離離暑雲散嫋嫋涼風起池上秋又來荷花半成子朱顏易消歇白日無窮已人壽不如山年光急於水青蕪與紅蓼歲歲秋相似去歲此悲秋今我復來此

寄元九

身為近密拘心為名檢縛月夜與花時少逢杯酒樂唯
有元夫子間來同一酌把手或酣歌展眉時笑謔今春

除御史前月之東洛別來未開顏塵埃滿樽杓蕙風晚
香盡槐雨餘花落秋意一蕭條離容兩寂寞况隨白日
老共負青山約誰識相念心羈鷹與籠鶴

春暮寄元九

梨花結成實燕卵化為雛時物又若此道情復何如但
覺日月促不嗟年歲徂浮生都是夢老小亦何殊唯與
故人別江陵初謫居時時一相見此意未全除

早梳頭

夜沐早梳頭牕明秋鏡曉颯然握中髮一沐知一少年
事漸蹉跎世緣方繳繞不學空門法老病何由了未得

無生心白頭亦為天

出關路

山川函谷路塵土游子顏蕭條去國意秋風生故關

別舍弟後月夜

悄悄初別後去住兩盤桓行子孤燈店居人明月軒平
生共貧苦未必日成歡及此暫為別懷抱已憂煩况是
庭葉盡復思山路寒如何為不念馬瘦衣裳單

新豐路逢故人

塵土長路晚風煙廢宮秋相逢立馬語盡日此橋頭知
君不得意鬱鬱來西遊惆悵新豐店何人識馬周

金鑿子晬日

晬將遂切子生一歲曰晬

行年欲四十有女曰金鑿生來始周歲學坐未能言慙非達者懷未免俗情憐從此累身外徒云慰目前若無夭折患則有婚嫁牽使我歸山計應遲十五年

青龍寺早夏

塵埃經小雨地高倚長坡日西寺門外景氣含清和閑有老僧立靜無凡客過殘鷺意思盡新葉陰涼多春去來幾日夏雲忽差我朝朝感時節年鬢闌蹉跎胡爲戀朝市不去歸煙蘿青山寸步地自問心如何

秋題牡丹叢

晚叢白露夕衰葉涼風朝紅艷久已歇碧芳今亦銷幽人坐相對心事共蕭條

勸酒寄元九

薤葉有朝露槿枝無宿花君今亦如此促促生有涯既不逐禪僧林下學楞伽又不隨道士山中煉丹砂百年夜分半一歲春無多何不飲美酒胡然自悲嗟俗號酒愁藥神速無以加一杯驅世慮兩杯反天和三杯卽醉酩或笑任狂歌陶陶復兀兀吾孰知其他況在名利途平生有風波深心藏陷窞巧言織網羅舉自非不見不醉欲如何

曲江感秋五年作

沙草新雨地，連條切柳涼風。枝三年感秋，思併在曲江池。早
蟬已噤，方至切晚荷復離披。前秋去，秋思一一生。
此時昔人三十二，秋興已云悲。我今欲四十，秋懷亦可
知。歲月不虛設，此身隨日衰。閨老不自覺，直到鬢成絲。

酬張太祝晚秋臥病見寄

高才淹禮寺，短羽翔禁林。西街居處遠，北闕官曹深。君
病不來訪，我忙難往尋。差池終日別，寥落經年心。露濕
綠蕪地，月寒紅樹陰。况茲獨愁夕，聞彼相思吟。上言歡
笑阻，下嗟時歲侵。容衰晚牕鏡，思苦秋絃琴。一章錦繡

段八韻瓊瑤音，何以報珍重。慙無雙南金。

立秋日曲江憶元九

下馬柳陰下，獨上堤上行。故人千萬里，新蟬三兩聲。城
中曲江水，江上江陵城。兩地新秋思，應同此日情。

早朝賀雪寄陳山人

長安盈尺雪，早朝賀君喜。將赴銀臺門，始出新昌里。上
堤馬蹄滑，中路蟬燭死。十里向北行，寒風吹破耳。待漏
午門外，候對三殿裏。鬢髮凍生冰，衣裳冷如水。忽思仙
遊谷，聞謝陳居士。暖覆褐裘眠，日高應未起。

初與元九別後忽夢見之及寤而書適至兼寄

桐花詩悵然感懷因以此寄

元九初謫江陵

永壽寺中語新昌坊北分歸來數行淚悲事不悲君悠
 悠藍田路自去無消息計君食宿程已過商山北昨夜
 雲四散千里同月色曉來夢見君應是君相憶夢中握
 君手問君意何如君言苦相憶無人可寄書覺來未及
 說叩門聲襲襲言是商州使送君書一封枕上忽驚起
 顛倒着衣裳開緘見手扎一紙十三行上論遷謫心下
 說離別腸心腸都未盡不暇敘炎涼云作此書夜夜宿
 商州東獨對孤燈坐陽城山館中夜深作書畢山月向
 西斜月前何所有一樹紫桐花桐花半落時復道正相

思殷勤書背後兼寄桐花詩桐花詩八韻思緒一何深
 以我今朝意憶君此夜心一章三遍讀一句十回吟珍
 重八十字字字化為金

和元九悼往

感舊蚊
悵作

美人別君去自去無處尋舊物零落盡此情安可任唯
 有胡結額紗幌塵埃日夜侵馨香與顏色不似舊時深
 透影燈耿耿籠光月沉沉中有孤眠客秋涼生夜衾舊
 宅牡丹院新墳松栢林夢中咸陽淚覺後江陵心含此
 隔年恨發為中夜吟無論君自感聞者欲沾巾

重到涇江舊居

舊居清渭，曲開門當蔡渡。十年方一還，幾欲迷歸路。追思昔日行，感傷故游處。插柳作高林，種桃成老樹。因驚成人者，盡是舊童孺。試問舊老人，半為遶村墓。浮生同過客，前後遞來去。白日如弄珠，出入光不往。人物日改變，舉目悲所遇。回念念我身，安得不衰暮。朱顏銷不歇，白髮生無數。唯有山門外，三峰色如故。

白髮

白髮知時節，闇與我有期。今朝日陽裏，梳落數莖絲。家人不慣見，悶默為我悲。我云何足怪，此意爾不知。凡人年三十外，壯中已衰，但思寢食味已減，二十時况我年

四十本來形貌靡，書魔昏兩眼。酒病沉四肢，親愛日零落在者，仍別離。身心久如此，白髮生已遲。由來生老死，三病長相隨。除却無生念，人間無藥治。

秋日

池殘寥落水，牕下悠揚日。嫋嫋秋風多，槐花半成實。下有獨立人，年來四十一。

將之饒州江浦夜泊

明月滿深浦，愁人獨臥舟。煩寃寢不得，夏夜長於秋。苦乏衣食資，遠為江海游。光陰坐遲暮，鄉國行阻修。身病向鄱陽，家貧寄徐州。前事與後事，豈堪心併憂。憂來起

長望但見江水流雲樹藹蒼煙波淡悠悠故園迷處
所一望堪白頭

思歸

時初爲
校書郎

餐無晨昏膳隱無伏臘資遂求及親祿俸俛來京師薄
俸未及親別家已經時夕積溫席戀春違采蘭期夏至
一陰生稍稍夕漏遲塊然抱愁者長夜獨先知悠悠鄉
關路夢去身不隨坐惜時節變蟬鳴槐花枝

冀城北原作

野色何莽蒼去聲秋聲亦蕭疎風吹黃埃起落日驅征車
何代此開國封疆百里餘古今不相待朝市無常居昔

人城邑中今變爲丘墟昔人墓田中今化爲里閭廢興
相催迫日月互居諸世變無遺風焉能知其初行人千
載後懷古空躊躇

客路感秋寄明準上人

日暮天地冷雨霽山河清長風從西來草木凝秋聲已
感歲倏忽復傷物凋零孰能不慙悽天時牽人情借問
空門子何法易修行使我忘得心不教煩惱生

游襄陽懷孟浩然

楚山碧巖巖漢水碧湯湯秀氣結成象孟氏之文章今
我諷遺文思人至其鄉清風無人繼日暮空襄陽南望

鹿門山藹若有餘芳舊隱不知處雲深樹蒼蒼

秋暮西歸途中書情

耿耿旅燈下愁多常少眠思鄉貴早發發在雞鳴前九月草木落平蕪連遠山秋陰和曙色萬木蒼蒼然去秋偶東遊今秋始西旋馬瘦衣裳破別家來二年憶歸復愁歸歸無一囊錢心雖非蘭膏安得不自然

秋懷

月出照北堂光華滿塔墀涼風從西至草木日夜衰桐柳減綠陰蕙蘭消碧滋感物私自念我心亦如之安得長少壯盛衰迫天時人生如石火為樂常苦遲

別楊穎士盧克柔殷堯藩

倦鳥暮歸林浮雲晴歸山獨有行路子悠悠不知還人生苦營營終日群動聞所務雖不同同歸於不閑扁舟來楚鄉疋馬往秦關離憂繞心曲宛轉如循環且持一杯酒聊以開愁顏

題贈定光上人

二十身出家四十心離塵得徑入大道乘此不退輪一坐十五年林下秋復春春花與秋氣不感無情人我來如有悟潛以心照身誤落聞見中憂喜傷形神安得遺耳目冥然反天真

祇役駱口驛喜蕭侍御書至兼觀新詩吟諷通

宵因寄八韻 時為熱 厓尉

日暮心無繆連條切吏役正營營忽驚芳信至復與新詩
并是時天無雲山館有月明月下讀數遍風前吟一聲
一吟三四歎聲盡有餘清雅哉君子文詠性不詠情使
我靈府中鄙恡不得生始知聽韶濩可使心和平

酬李少府曹長官舍見贈

低腰復斂手心體不遑安一落風塵下始知為吏難公
事與自長官情隨歲闌惆悵青袍袖芸香無半殘賴有
李夫子此懷聊自寬兩心如止水彼此無波瀾往往簿

書暇相勸強為歡白馬晚蹋雪綠觴春暖寒戀月夜同
宿愛山晴共看野性自相近不是為同官

留別

秋涼卷朝簾春暖撤夜衾雖是無情物欲別尚沉吟况
與有情別別隨情淺深二年歡笑意一旦東西心獨留
誠可念同行力不任前事詎能料後期諒難尋唯有潺
湲淚不惜共沾衿

曉別

曉鼓聲已半離筵坐難久請君斷腸歌送我和淚酒月
落欲明前馬嘶初別後浩浩聞塵中何由見回首

北園

北園東風起雜花次第開心知須臾落一日三四來花
下豈無酒欲酌復遲迴所思眇千里誰勸我一杯

惜梅李花

花細而繁色艷而黯亦花中之
有思者速衰易落故惜之耳

樹小花鮮妍香繁條軟弱高低二三尺重疊千萬萼朝
艷靄霏霏夕凋紛漠漠辭枝朱粉細覆地紅綃薄由來
好顏色常苦易銷鑠不見莨魯堂切蕩花狂風吹不落

照鏡

皎皎青銅鏡班班白絲鬢豈復更藏年實年君不信

新秋

西風飄一葉庭前颯已涼風池明月水衰蓮白露房其
奈江南夜絲絲自此長

夜雨

早蛩啼復歇殘燈滅又明隔牕知夜雨芭蕉先有聲

秋江送客

秋鴻次第過哀猿朝夕聞是日孤舟客此地亦離群濛
濛潤衣雨漠漠冒帆雲不醉潯陽酒煙波愁殺人

感遊寄遠

寄通州嚴侍御果州崔員外
豐州李舍人鳳州李郎中

昨日聞甲死今朝聞乙死知識三分中二分化為鬼逝
者不復見悲哉長已矣存者今如何去我皆萬里平生

遊或
作遊

白集 卷九
知心者屈指能有幾通果豐鳳州眇然四君子相思俱
老大浮世如流水應歎舊交遊凋零日如此何當一杯
酒開眼笑相視

秋月

夜初色蒼然夜深光浩然稍轉西廊下漸滿南牕前況
是綠蕪地復茲清露天落葉聲策策驚鳥影翩翩棲禽
尚不穩愁人安可眠

白氏長慶集卷第九終

白氏長慶集卷第十

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

感傷二 古調詩五言 凡七十八首

朱陳村

徐州古豐縣有村曰朱陳去縣百餘里桑麻青氛氳機
梭聲札札牛驢走紆紆女汲澗中水男採山上薪縣遠
宮事少山深人俗淳有財不行商有丁不入軍家家守
村業頭白不出門生為陳村民死為陳村塵田中老與

白集

卷九

幼相見何欣欣一村唯兩姓世世為婚姻其村唯朱陳二姓而已
 親疎居有族少長游有羣黃雞與白酒歡會不隔旬生
 者不遠別嫁娶先近鄰死者不遠葬墳墓多遠村既安
 生與死不苦形與神所以多壽考往往見玄孫我生禮
 義鄉少小孤且貧徒學辨是非祇自取辛勤世法貴名
 教士人重冠婚以此自桎梏信為大謬人十歲解讀書
 十五能屬文二十舉秀才三十為諫臣下有妻子累上
 有君親恩承家與事國望此不肖身憶昨旅游初道今
 十五春孤舟三適楚羸馬四經秦晝行有饑色夜寢無
 安寃東西不暫往來往若浮雲離亂失故鄉骨肉多散

分江南與江北各有平生親平生終日別逝者隔年聞
 朝憂臥至暮夕哭坐達晨悲火燒心曲愁霜侵髮根一
 生苦如此長羨陳村民

讀鄧魴詩

塵架多文集偶取一卷披未及看姓名疑是陶潛詩看
 名知是君惻惻令我悲詩人多蹇厄近日誠有之京兆
 杜子美猶得一拾遺襄陽孟浩然亦聞鬢成絲嗟君兩
 不如三十在布衣擢第祿不及新婚妻未歸少年無疾
 患切湓苦死於路岐天不與爵壽唯與好文詞此理勿
 復道巧曆不能推

寄元九

晨雞纔發聲夕雀俄斂翼晝夜往復來疾如出入息非
 徒改年貌漸覺無心力自念因念君俱為老所逼君年
 雖校少顛顛謫南國三年不放歸炎瘴消顏色山無殺
 草霜水有含沙蜮健否遠不知書多隔年得願君少愁
 苦我亦加飡食各保金石軀以慰長相憶

秋夕

葉聲落如雨月色白似霜夜深方獨臥誰為拂塵牀

夜雨

我有所念人隔在遠遠鄉我有所感事結在深深腸鄉

遠去不得無日不瞻望腸深解不得無夕不思量況此
 殘燈夜獨宿在空堂秋天殊未曉風雨正蒼蒼不學頭
 陀法前心安可忘

秋霽

金火不相待炎涼雨中變林晴有殘蟬巢冷無留燕沉
 吟卷長簾愴惻收團扇向夕稍無泥閒步青苔院月出
 砧杵動家家擣秋練獨對多病妻不能理針線冬衣殊
 未製夏服行將綻何以迎早秋一盃聊自勸

歎老三首

晨興照青鏡形影兩寂寞少年辭我去白髮隨梳落萬

化成於漸漸衰看不覺但恐鏡中顏今朝老於昨人生
少滿百不得長歡樂誰謂天地心千齡與龜鶴吾聞善
醫者今古稱扁鵲萬病皆可治唯無治老藥
我有一握髮梳理何稠直管似玄雲光今如素絲色匣
中有舊鏡欲照先歎息自從頭白來不欲明磨拭鷓頭
與鶴頸至老常如墨獨有人髻毛不得終身黑
前年種桃核今歲成花樹去歲新嬰兒今年已學步但
驚物長成不覺身衰暮去矣欲何如少年留不住因書
今日意徧寄諸親故壯歲不歡娛長年當悔悟

送兄弟回雪夜

日晦雲氣黃東北風切切時從村南還新與兄弟別離
襟淚猶溼迴馬嘶未歇欲歸一室坐天陰多無月夜長
火消盡歲暮雨凝結寂寞滿爐灰飄零上階雪對雪盡
寒灰殘燈明復滅灰死如我心雪白如我髮所遇皆如
此頃刻堪秋絕迴念入坐忘轉憂作禪悅平生洗心法
正爲今宵設

溪中早春

南山雪未盡陰嶺留殘白西澗水已消春溜含新碧東
風來幾日蟄動萌州拆潛知陽和功一日不虛擲愛此
天氣煖來拂溪邊石一坐欲忘歸暮禽聲嘖嘖蓬蒿隔

桑棗隱映煙火夕歸來問夜食家人烹薺麥

同友人尋澗花

聞有澗底花蕢得村中酒與君來校遲已逢搖落後臨
觴有遺恨悵望空溪口記取花發時期君重携手我生
日日老春色年年有且作來歲期未知身健否

登村東古塚

高低古時塚上有牛羊道獨立最高頭悠哉此懷抱回
頭向村望但見荒田草村人不愛花多種粟與粟自來
此村住不覺風光好好花少鶯亦稀年年春聞老

夢裴相公

五年生死隔一夕覓夢通夢中如往日同直金鑾宮髻
髯金紫色分明冰玉容勤勤相眷意亦與平生同既寤
知是夢憫然情未終追想當時事何殊昨夜中自我學
心法萬緣成一空今朝為君子流淚一沾膺

晝寢

坐整白單衣起穿黃艸屨朝食盥漱畢徐下堦前步暑
風微變候晝刻漸加數院靜地陰陰鳥鳴新葉樹獨行
還獨卧夏景殊未暮不作午時眠日長安可度

別行簡

時行簡辟廬坦
劍南東川府

漠漠病眼花星星愁鬢雪筋骸已衰憊形影仍分訣梓

州二千里劍門五六月豈是遠行時火雲燒棧熱何言
巾上淚乃是腸中血念此早歸來莫作經年別

觀兒戲

田聊齋初謹七八歲綺紈三四兒弄塵復鬪草盡日
樂嬉嬉堂上長年客鬢閒新有絲一看竹馬戲每憶童
騃時童騃饒戲樂老大多憂悲靜念彼與此不知誰是
癡

嘆常生

西村常氏子臥疾不須臾前旬猶訪我今日忽云殂時
我病多暇與之同野居園林青藜藹藹相去數里餘村鄰

無好客所遇唯農夫之子如何者往還猶勝無于今亦
已矣可爲一長吁

寄元九

一病經四年親朋書信斷窮通各易交自笑知何晚元
君在荆楚去日唯云遠彼獨是何人心如石不轉憂我
貧病身書來唯勸勉上言少愁苦下道加食飯憐君爲
謫吏窮薄家貧福二寄衣食資數盈二十萬豈是貧衣
食感君心繼繼念我口中食分君身上暖不因身病久
不因命多蹇平生親友心豈得知深淺

以鏡贈別

人言似明月，我道勝明月。明月非不明，一年十二缺。豈如玉匣裏，如水常清徹。月破天闇時，圓明獨不歇。我慙貌醜老，繞鬢班班雪。不如贈少年，迴照青絲髮。因君千里去，持此將為別。

城上對月期友人不至

古人惜晝短，勸令秉燭遊。況此迢迢夜，明月滿西樓。復有樽中酒，置在城上頭。期君君不至，人月兩悠悠。照來煙波白，照入肌髮秋。清光正如此，不醉即須愁。

念金鑾子二首

衰病四十身，嬌癡二歲女。非男猶勝無，慰情時一撫。

朝捨我去，覓影無處所。況念天札時，嘔啞初學語。始知骨肉愛，乃是憂悲聚。唯思未有前，以理遣傷苦。忘懷日已久，三度移寒暑。今日一傷心，因逢舊乳母。

與爾為父子，八十有六旬。忽然又不見，邈來三四春。形質本非實，氣聚偶成身。恩愛元是妄，緣合暫為親。念茲庶有悟，聊用遣悲辛。暫將理自尊，不是忘情人。

對酒

人生一百歲，通計二萬日。何況百歲人，人間百無一。賢愚共零落，貴賤同埋沒。東岱前後覓，非邛新舊骨。復聞藥誤者，為愛長生術。又有憂死者，為貪政事筆。藥誤不

得老憂死非因疾誰言人最靈知得不知失何如會親
友飲此杯中物能沃煩慮消能陶真性出所以劉阮輩
終年醉兀兀

渭村雨歸

渭水寒漸落離離蒲稗薄賣切苗閒傍沙邊立看人刈葦
茗近水風景冷晴明猶寂寥復茲夕陰起野思重蕭條
蕭條獨歸路暮雨濕村橋

諭懷

黑頭日已白白面日已黑人生未死閒變化何終極常
言在已者莫若形與色一朝改變來止遏不能得况彼

身外事悠悠通與塞

喜友至留宿

村中少賓客柴門多不開忽聞車馬至云是故人來况
值風雨夕愁心正悠哉願君且同宿盡此手中杯人生
開口笑百年都幾回

西原晚望

花菊引閑步行上西原路原上晚無人因高聊四顧南
阡有煙火北陌連墟墓村鄰何蕭條近者無百步吾廬
在其下寂寞風日暮門外轉枯蓬籬根伏寒兔故園汴
水上離亂不堪去近歲始移家飄然此村住新屋五六

閒古槐八九樹便是衰病身此生終老處

感鏡

美人與我別留鏡在匣中自從花顏去秋水無芙蓉經
年不開匣紅塵覆青銅今朝一拂拭自照顛頰容照罷
重惆悵背後雙盤龍

村居臥病二首

戚戚抱羸病悠悠度朝暮夏木纔結陰秋蘭已含露前
日巢中卵化為雛飛去昨日穴中蟲咬切輸切為蟬上樹
四時未嘗歇一物不暫住唯有病客心沉然獨如故
新秋久病客起步村南道盡日不逢人蟲聲徧荒州西

風吹白露野綠秋仍早艸木猶未傷先傷我懷抱朱顏
與玄鬢強健幾時好况為憂病侵不得依年老
種黍三十畝雨來苗漸大種薤二十畦秋來欲堪刈望
黍作冬酒留薤為春菜荒村百物無待此養衰瘵葺廬
備陰雨補褐防寒歲病身知幾時且作明年計

沐浴

經年不沐浴塵垢滿肌膚今朝一澡濯衰瘦頗有餘老
色頭鬢白病形肢體虛衣寬有贖帶髮少不勝梳自問
今年幾春秋四十初四十已如此七十復何如

栽松二首

白集 卷十
小松未盈尺，心愛手自移。蒼然澗底色，雲濕煙霏霏。栽
植我年晚，長成君性遲。如何過四十，種此數寸株。得見
成陰否，人生七十稀。
愛君抱晚節，憐君含直文。欲得朝朝見，塔前故種君。知
君死則已，不死會凌雲。

病中友人相訪

臥久不記日，南窓昏復昏。蕭條艸簷下，寒雀朝夕聞。強
扶床前杖，起向庭中行。偶逢故人至，便當一逢迎。移榻
就斜日，披裘倚前楹。閑談勝服藥，稍覺有心情。

自覺二首

四十未為老，憂傷早衰惡。前歲二毛生，今年一齒落。形
骸日損耗，心事同蕭索。夜寢與朝食，其間味亦薄。同歲
崔舍人，容光方灼灼。始知年與貌，衰盛隨憂樂。畏老老
轉逼，憂病病彌縛。不畏復不憂，是除老病藥。
朝哭心所愛，暮哭心所親。親愛零落盡，安用身獨存。幾
許平生歡，無限骨肉恩。結為腸間痛，聚作鼻頭辛。悲來
四肢緩，泣盡雙眸昏。所以年四十，心如七十人。我聞浮
圖教中有解脫，門置心為止水。視身如浮雲，抖擻垢穢
衣。度脫生死輪，胡為戀此苦。不去猶逡巡，回念發弘願。
願此見在身，但受過去報。不結將來因，誓以智慧水。永

洗煩惱塵不將恩愛子更種悲憂根

夜雨有念

以道治心氣終歲得晏然何乃戚戚意忽來風雨天既
非慕榮顯又不恤饑寒胡為苦不樂抱膝殘燈前形影
闇相問心默對以言骨肉能幾人各在天一端吾兄寄
宿州吾弟客東川南北五千里吾身在中間欲去病未
能欲住心不安有如波上舟此縛而彼牽自我向道來
于今六七年鍊成不二性消盡萬千緣唯有恩愛火往
往猶熬煎豈是藥無効病多難盡蠲

寄楊六

楊攝萬年縣尉
予為贊善大夫

青宮官冷靜赤縣事繁劇一閑復一忙動作經時隔清
觴久未酌白日頓虛擲念此忽踟躕悄然心不適豈無
舊交結久別或遷易亦有新往還相見多形迹唯君於
我分堅久如金石何況老大來人情重婚戚會稀歲月
急此事真可惜幾回開口笑便到髭鬚白公門苦鞅掌
盡日無閒隙猶冀乘暇來靜言同一夕

送春

三月三十日春歸日復暮惆悵問春風明朝應不住送
春曲江上眷眷東西顧但見撲水花紛紛不知數人生
似行客兩足無停步日日進前程前程幾多路兵力與

水火盡可違之去。唯有老到來。人間無避處。感時良爲已。獨倚池南樹。今日送春心。心如別親故。

哭李三

去年渭水曲。秋時訪我來。今年常樂里。春日哭君回。哭君仰問天。天意安在哉。若必奪其壽。何如不與才。落然身後事。妻病女櫻孩。

別李十一後重寄

自此後詩在江州路上作

秋自正蕭條。驅車出蓬華。回望青門道。日極心鬱鬱。豈獨戀鄉土。非關慕簪紱。所捨別李君。平生同道術。俱承金馬詔。聯秉諫臣筆。共上青雲梯。中途一相失。江湖我

友往朝廷。君不出蕙帶。與華簪相逢。是何日。

初出藍田路作

停驂問前路。路在秋雲裏。蒼蒼縣南道。去途從此始。絕頂忽盤上。衆山皆下視。下視千萬峰。峰頭如浪起。朝經韓公坂。夕次藍橋水。潯陽僅四十。始行七十里。人煩馬蹄阻。勞苦已如此。

仙娥峰下作

我爲東南行。始登商山道。商山無數峰。最愛仙娥好。參差樹若插。匝雲如抱。渴望寒玉泉。春聞紫芝艸。青崖屏削碧。白石床鋪綺。向無如此物。安足留四皓。感

彼私自問歸山何不早可能塵土中還隨衆人老

微雨夜行

漠漠秋雲起悄悄夜寒生但覺衣裳濕無點亦無聲

再到襄陽訪問舊居

管到襄陽日髣髴初有髭今過襄陽日髭鬢半成絲舊
遊都是夢乍到忽如歸東郭蓬蒿宅荒涼今屬誰故知
多零落間井亦遷移獨有秋江水煙波似舊時

寄微之三首

江州望通州天涯與地未有山萬丈高有江千里濶間
之以雲霧飛鳥不可越誰知千古險為我二人設通州

君初到鬱鬱愁如結江州我方去迢迢行未歇道路日
乖隔音信日斷絕因風欲寄語地遠聲不徹生當復相
逢死當從此別

君遊襄陽日我在長安住君今在通州我過襄陽去襄
陽九里郭樓雉連雲樹顧此稍依依是君舊遊處蒼茫
蒹葭水中有潯陽路此去更相思江西少親故

去國日已遠喜逢物似人如何含此意江上坐思君有
如河嶽氣相合方氛氲狂風吹中絕兩處成孤雲風迴
終有時雲合豈無因努力各自愛窮通我爾身

舟中雨夜

喜逢一作稀逢

江雲闇悠悠江風冷修修夜雨滴船背風浪打船頭船
中有病客左降向江州

夜聞歌者宿鄂州

夜泊鸚鵡洲秋江月澄徹鄰船有歌者發調堪愁絕歌
罷繼以泣泣聲通復咽尋聲見其人有婦顏如雪獨倚
帆檣立娉婷十七八夜淚如真珠雙雙墮明月借問誰
家婦歌泣何凄切一問一沾襟低眉終不說

江樓聞砧作江州

江人授衣晚十月始聞砧一夕高樓月萬里故園心

宿東林寺

經窓燈焰短僧爐火氣深索落廬山夜風雪宿東林

憶洛下故園時淮汝寇戎未滅

潯陽遷謫地洛陽離亂年煙塵三川上炎瘴九江邊鄉
心坐如此秋風仍颯然

贈別崔五

朝送南去客暮迎北來賓孰云當大路少遇心所親勞
者念息肩執者思濯身何如獨愁日忽見平生人平生
已不淺是日重殷勤問從何處來及此江亭春江天春
多雲夜月隔重陰移樽樹間飲燈照花紛紛一會不易
得餘事何足云明且又分手今夕且歡忻

春晚寄微之

三月江水闊悠悠桃花波年芳與心事此地兩蹉跎南
國方譴謫中原正兵戈眼前故人少頭上白髮多通州
更迢遞春盡復如何

漸老

今朝復明日不覺年齒暮白髮逐梳落朱顏辭鏡去當
春頗愁寂對酒寡歡趣遇境多愴辛逢人益敦故形質
屬天地推遷從不住所怪少年心銷磨落何處

送幼史

淮右寇未散江西歲再徂故里干戈地行人風雪途此

時與爾別江畔立踟躕

夜雪

已訝衾枕冷復見窓戶明夜深知雪重時聞折竹聲

寄行簡

鬱鬱眉多斂默默口寡言豈是願如此舉目誰與歡去
春爾西征從事巴蜀間今春我南謫抱疾江海壖而緣
相去六千里地絕天邈然十書九不達何以開憂顏渴
人多夢飲飢人多夢食春來夢何處合眼到東川

首夏

孟夏百物滋動植一時好麋鹿樂深林蟲蛇喜豐草翔

禽愛密葉游鱗悅新藻天和遺漏處而我獨枯槁一身
在天末骨肉皆遠道舊國無來人冠戎塵浩浩沉憂竟
何益祇自勞懷抱不如放身心冥然任天造潯陽多美
酒可使杯不燥溢魚賤如泥烹炙無昏早朝飯山下寺
暮醉湖中島何必歸故鄉茲焉可終老

孟夏思渭村舊居寄舍弟

嘖嘖雀引雛稍稍笋成竹時物感人情思我故鄉曲故
園渭水上十載事樵牧手種榆柳成陰陰覆墻屋免隱
豆苗肥鳥鳴桑椹孰前年當此時與爾同遊矚詩書課
弟姪農圃資童僕日暮麥登場天晴蠶拆簇弄泉南澗

坐待月東亭宿興發飲數杯悶來棊一局一朝忽分散
萬里仍羈束井鮒思反泉籠鶯悔出谷九江地卑濕四
月天炎燠苦雨初入梅瘴雲稍含毒泥秧水畦稻灰種
畚田粟已訖殊歲時仍嗟異風俗閑登郡樓望日落江
山綠歸雁拂鄉心平湖斷人目殊方我漂泊舊里君幽
獨何時同一瓢飲水心亦足

早蟬

六月初七日江頭蟬始鳴石楠深葉裡薄暮兩三聲
催衰鬢色再改故園情西風殊未起秋思先秋生憶昔
在東掖官槐花下聽今朝無限思雲樹遶滄城

感情

中庭曬服翫忽見故鄉履昔贈我者誰東隣嬋娟子因
 思贈時語特用結終始永願如履綦雙行復雙止自吾
 謫江郡漂蕩三千里為感長情人提攜同到此今朝一
 惆悵反覆看未已人隻履猶雙何曾得相侶可嗟復可
 惜錦表繡為裏況經梅雨來色黯花艸死

南湖晚秋

八月白露降湖中水芳老旦夕秋風多衰荷半傾倒手
 攀青楓樹足蹋黃蘆艸慘淡老容顏零落秋懷抱有兒
 在淮楚有第在蜀道萬里何時來煙波白浩浩

郡廳有樹晚榮早凋人不識名因題其上

潯陽郡廳後有樹不知名秋先梧桐落春後桃李榮五
 月始萌動八月已凋零左右皆松桂四時鬱青青豈量
 雨露恩沾濡不均平榮枯各有分天地本無情而我亦
 相類早衰向晚成形骸少多病三十不豐盈毛髮早改
 變四十白髮生誰教兩蕭索相對此江城

感秋懷微之

葉下湖有波秋風此時至誰知獲落心先納蕭條氣推
 移感時歲漂泊思同志昔為煙霞侶今作泥塗吏白鷗
 毛羽弱青鳳文章異各閉一籠中歲晚同顛顛

因沐感髮寄朗上人二首

年長身轉慵，百事無所欲。乃至頭上髮，經年方一沐。沐
稀髮苦落，一沐仍半禿。短鬢經霜蓬，老面辭春木。強年
過猶近，衰相來何速。應是煩惱多，心焦血不足。
漸少不滿把，漸短不盈尺。况茲短少中，日夜落復白。既
無神仙術，何除老死籍。祇有解脫門，能度衰苦厄。掩鏡
望東寺，降心謝禪客。衰白何足言，剃落猶不惜。

早蟬

月出先照山，風生先動水。亦如早蟬聲，先入閑人耳。一
聞愁意結，再聽鄉心起。渭上新蟬聲，先聽渾相似。衡門

有誰聽日暮槐花裏

苦熱喜涼

經時苦炎熱，心體但煩倦。白日一何長，清秋不可見。歲
功成者去，天數極則變。潛知寒燠間，遷次如乘傳。火雲
忽朝斂，金風俄夕扇。簟枕遂清涼，筋骸稍康健。因思望
月侶，好卜迎秋宴。竟夜無客來，引杯還自勸。

早秋晚望兼呈韋侍郎

九派繞孤城，城高生遠思。人煙半在船，野水多於地。穿
霞日脚直，驅雁風頭利。去國來幾時，江上秋三至。夫君
亦淪落，此地同漂寄。憫然向隅心，摧頽觸籠翅。且謀眼

前計莫問曾中事，潯陽酒甚濃。相勸時時醉，

司馬宅

兩徑綠蕪合，霜園紅葉多。蕭條司馬宅，門巷無人過。唯對大江水，秋風朝夕波。

司馬廳獨宿

荒涼滿庭艸，偃亞侵簷竹。府吏下廳簾，家僮開被幙。數聲城上漏，一點窓前燭。官曹冷似冰，誰肯來同宿。

夢與李七庾二十三同訪元九

夜夢歸長安，見我故親友。損之在我左，順之在我右。云是二月天，春風出携手。同過靖安里，下馬尋元九。元九

正獨坐，見我笑開口。還指西院花，仍開北亭酒。如言各有故，但惜歡難久。神合俄傾閒，神離欠伸後。覺來疑在側，求索無所有。殘燈影閃牆，斜月光穿牖。天明西北望，萬里君知否。老去無見期，踟躕搔白首。

秋槿

風露颯已冷，天色亦黃昏。中庭有槿花，榮落同一晨。秋開已寂寞，夕殞何紛紛。正憐少顏色，復嘆不逡巡。感此因念彼，懷哉聊一陳。男兒老富貴，女子晚婚姻。頭白始得志，色衰方事人。後時不獲已，安得如青春。

荅元郎中楊員外喜烏見寄

四十四字成

南宮鴛鴦地何忽鳥來止故人錦帳郎聞鳥笑相視疑
鳥報消息望我歸鄉里我歸應待鳥頭白慙愧元郎誤
歡喜

林薈

白氏長慶集卷第十

終

許西洲亦沙關北亭西吹言谷

